

HIERONYMUS.

E T Σ E B I O Σ.

EUSEBIUS.

THESSALONICA, ad cujus cives Paulus binas scripsit epistolas, urbs est *Macedoniae* nobilis & populosa Ptolemæo, Straboni, Stephano.

THOCHEN, villa, seu oppidulum non muratum in tribu *Simeonis* i Paral. iv. v. 32.

¹ THOGORMA, legimus in Θουρμα, ἐν τῇ Γεζεχιήλ. Ezechiële.

THOURAMA, in Ezechiële.

² THOLAD, in tribu *Juda*, Θωλάδ, φυλῆς Ἰούδα, ἡ Συμε- seu *Simeonis*. αὐ.

THODLAD, tribus *Juda*, seu *Symeon*.

THOPHEL. Vide supra THAPHOL.

THUBAL, regio, & gens *Asiatica* Ezech. xxvii. v. 13. & xxxii. v. 26. & xxxviii. v. 2, 3. & xxxix. v. 1. ab uno è filiis Japheth Gen. x. v. 2. sic dicta. Hos putant esse *Iberos Asiaticos* juxta Colchidem, Albaniam, Sarmatiam, cujus Sarmatiæ pars est ea, quæ nunc appellatur *Moschovia*, quam nomine *Mosoch* intelligi in Scripturâ ferè omnium est consensus: porro THUBAL ubique *Mosoch* conjungitur.

THYATIRA, *Lydia* in Asia minori oppidum Ptolemæo, & Stephano: Strabo *Mysorum* extremam facit civitatem, in confinio *Lydia*.

TIBERIAS, urbs ad mare Galilææ posita, à qua & lacus etiam *maris Tiberiadis* nomen accepit. Con- dita est ab *Herode Antipa*, non restaurata, ut quidam volunt, quemadmodum satis indicat Josephus Lib. xviii. Ant. Cap. 3. & in honorem *Tiberii* tunc imperantis *Tiberias* appellata. Hinc liquet non fuisse eam- dem cum *Cenereth*, prout quidam voluerunt; quam ad rem facit etiam argumentum, quod attuli in voce CHENNERETH. Hanc in tribu *Zabulon* reponit Adrichomius, ego tribui *Issachar* includo. Josephus in vita sua centum & viginti stadiis à Scythopoli remotam facit, ab Hippostadiis triginta, à Gadara stadiis sexaginta. Adrichomius duabus leucis Bethulia distitam facit, Brochardus in nonnullis exemplaribus una leuca; at illa terræ sanctæ descriptio, quam Brochardi nomine edidit Henricus Canisius, sex leucarum distan- tiam ponit.

TICHON, domus in extremis terminis ad Aquilonem trans Jordanem in confinio Damasci & regionis Emath, Ezech. xlvii. v. 16.

³ TIGRIS, fluvius de paradiso exiens juxta Scripturæ fidem, per- gensque contra *Assyrios*, & post multos circuitus, ut vult Josephus, in mare rubrum influens. Vocatur autem hoc nomine, propter veloci- tatem instar bestie nimia pernitate currentis.

Τίγρις, ποταμός ἀπὸ παραδείσου ἐξὼν, φερόμενος μὲν, ὡς ἡ γραφή, κατέναντι Ἀσσυρίων, ἐκπίπτων δὲ ἐπὶ τὴν ἐρυθρὰν θάλασσαν, ὡς φησὶν Ἰω- σήππος· καλεῖται Τίγρις διὰ τὴν ὀξύ- τητα, ἐμφερῶς τῇ τοῦ ὁμωνύμου ζώου προσηγορίας.

TIGRIS, fluvius è paradiso e- grediens, qui quidem, ut ait Scri- ptura, fertur contra *Assyrios*, de- labitur autem in rubrum mare, ut ait Josephus. Vocatur *Tigris* pro- pter velocitatem, ex similitudine appellationis illius animalis ejusdem nominis.

⁴ TINA, in tribu *Juda*.

Τίνα, φυλῆς Ἰούδα.

TINA, tribus *Juda*.

⁵ TOB, terra in qua habitavit Jephthe.

Τὸβ, ἐνθα κατέκχησεν Ἰεφθαί.

TOB, ubi habitavit Jephthe.

⁶ TOPHET, in valle filiorum Ennom, ubi populus *Israël* gentium simulacra venerabatur. est autem lo- cus in suburbanis Hierusalem.

Ταφὲθ, ἐν φάραγι τῶν υἱῶν Εὐ- νόμου. ἐνθα εἰδωλολάτρει ὁ λαὸς ἐν προ- αστείοις Ἱερουσαλήμ.

TAPHET, in valle filiorum Ennom, ubi populus idola colebat in suburbanis Hierusalem.

TOPHETH, vide proximè TOPHET.

TORCULAR ZEB, Judic. vii. v. 25. sic dictus à *Zeb* Madianitarum regulo ibi interfecto. fuit au- tem locus hic juxta & cis Jordanem.

N O T A.

1. Habes de *Thogorma* apud Ezechiëlem Cap. 27. v. 14. & Cap. 38. v. 6. è quibus illud tantummodo colligitur, fuisse regionem & gentem *Aquilonarem*. Addo verò multo verisimilius videri esse gentem *Asiati- cam*, cum ibi ferè conjungatur aliis *Asiaticis* populis, & posteriore loco de bello cum *Asiatico* populo gerendo sermo sit. Quænam au- tem sit illa gens, difficile est definire: videri tamen verisimillimum, esse vel *Phryges*, vel *Turcas*. Vide quæ de *Thogorma* à nobis dicta sunt Gen. 10. v. 3. BONFRERIUS.

2. Habes hoc urbis nomen in tribu *Simeonis* i Paral. 4. v. 29. Ea- dem alibi *Eltholad* dicta Jos. 15. v. 30. & Cap. 19. v. 4. ex quibus locis colligitur, primò quidem fuisse *Jude* attributam, postmodum tamen ademptam, & *Simeonitis* datam. IDEM.

3. De *Tigri* habes Gen. 2. v. 14. quòd adversus *Assyrios* procedat: sed hoc intelligendum est de primis ipsius fluminis originibus, nam postea prætervecta *Assyriâ* alias alluit regiones, Mesopotamiamque cum Euphrate in medio relictam efficit, & ab Oriente terminat, do- nec tandem mixtus Euphrati in sinum *Persicum* effundatur; non in mare Rubrum, ut visus est Josephus voluisse: quod tamen intellige, si Scripturæ more loquaris, quæ mare rubrum tantummodo appellat Sinum Arabicum: alias enim apud Historicos & Geographos *maris rubri* nomine tam sinus *Persicus*, quàm *Arabicus* intelligitur, imò & quicquid est Oceani inter Sinum Arabicum & Indiam *maris Rubri* nomine comprehenditur. Hinc Eustathius dicit *Indiam ad Rubrum Oceanum* pertinere. Et Seneca de *Tigri* ait:

Tepidum rubenti Tigrin immiscet freto.
Sed, & Plinius dicit: *Persæ Rubrum mare semper accolere.* Et juxta hunc morem locutus Josephus, dum ait Lib. 1. Ant. Judaic. Cap. 2. *Euphratem & Tigrin in Mare rubrum exire*, nihil peccasse cen- sendus est. IDEM.

4. Ego nullam eo nomine urbem in tribu *Juda* Jos. 15. vel alibi reperio, etiam in codicibus Septuaginta Interpretum. Forte *Tina* pro *Cina* est suppositum, quam inter urbes tribus *Juda* legimus Jos. 15. v. 22. IDEM.

5. Fuit hæc terra *Tob* Judic. ii. v. 3. (in qua pulsus à suis dicitur *Jephthe* habitasse) in trans-Jordaninâ regione & *Galaaditide*, ut omnes circumstantiæ exigunt; quemadmodum & nos pluribus ad eum lo- cum declaramus. IDEM.

6. Erat *Topheth* (sic enim in versione nostra vocatur) is lo- cus, in quo *Israëlita* sub impiis regibus filios suos sacrificabant & cre- mabant idolo *Moloch*. Erat autem *Topheth in valle filiorum Ennom* ad Orientem montis *Sion*. Vide quæ de hoc loco & barbaro sacrificio diximus Levit. 18. v. 21. IDEM.

7. Ἰωσηππος, καλεῖται &c.] Sic est interpungendum & legendum, cum ex Hieronymo, tum ex re ipsa. Nam Josephus testatur quidem *Tigrin* in mare Erythræum undas devolvere, sed de ratione nominis *Tigris*, nihil habet, eaque inanis videtur. Itaque malè antea legeba- tur καλεῖσθαι Τίγριν, quod & constructionem vitiabat. CLERICUS.